



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-3539-13/16
Datum: 06.02.2017.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 30.01.2017.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za robe u predmetu nabavke "Opreme za radio vezu i nabavka i ugradnja opreme za prepravku vatrogasne cisterne", Lot-2 "Nabavka opreme za radio vezu" po cijeni od 17.491,00KM (slovima: sedamnaest hiljada četiristotine devedeset jedna i 00/100 konvertibilnih maraka) bez PDV-a odnosno sa PDV-om 20.464,47KM (slovima: dvadeset hiljada četiristotine šesdeset četiri i 47/100 konvertibilnih maraka) je ponuda ponuđača SHOT d.o.o. Zenica.

II

Ponude su dostavljene u konkurentskom zahtjevu za dostavu ponuda, uz podjelu na lotove koji je objavljen na Portalu javnih nabavki dana 22.12.2016.godine pod brojem: 375-7-1-281-3-71/16.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda TP OMERBAŠIĆ d.o.o. Tešanj za Lot-1 "Nabavka i ugradnja opreme za prepravku vatrogasne cisterne", odbacuje se kao nepotpuna iz razloga što ponuđač uz ponudu nije dostavio traženu dokumentaciju, te je ista ocijenjena kao formalno neispravna.

V

Za realizaciju Odluke zadužuje se Služba civilne zaštite općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

Obrazloženje

Aktom broj: 02-49-1-3539-2/16 od 12.12.2016.godine Općina Tešanj je donijela Odluku o provedbi postupka javne nabavke za robe "Nabavka opreme za radio vezu i nabavka i ugradnja opreme za prepravku vatrogasne cisterne", sa podjelom na lotove, koji je objavljen na Portalu javnih nabavki 22.12.2016.godine pod brojem: 375-7-1-281-3-71/16, kriterij za dodjelu ugovora je najniža cijena.

U ostavljenom roku za dostavu ponuda pristigle su 2 (dvije) ponuda kako slijedi:

Ponudač SHOT d.o.o. Zenica dostavio je ponudu za Lot-2 i Ponudač TP OMERBAŠIĆ d.o.o. Tešanj dostavio je ponude za Lot-1.

Komisija za javne nabavke imenovana rješenjem Općinskog Načelnika broj:02-49-1-3539-7/16 od 23.01.2017.godine izvršila je dana 26.01.2017.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je ponuda SHOT d.o.o. Zenica formalno ispravna (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljive ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da je za Lot-2 najpovoljniji ponuđač SHOT d.o.o. Zenica.

Komisija je kod ocjene ponuda takođe utvrdila da ponuda TP OMERBAŠIĆ d.o.o. Tešanj za Lot-1 nije formalno ispravna, naime Ponuda ponuđača TP OMERBAŠIĆ d.o.o. Tešanj ne sadrži: - Spisak izvršenih ugovora o uslugama koje su predmet nabavke u posljednje 2 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Također ponuđač nije dostavio niti potvrdu koju daje druga ugovorna strana o njihovoj realizaciji, što predviđeno tačkom 2.4. podtačka 1. tenderske dokumentacije; kao ni - Pisanu garanciju lično potpisanu i ovjerenu na 1 (jednu) godinu za ispravnost i funkcionalnost raadova i roba za Lot 1, što je predviđeno tačkom 2.4. podtačka 2. tenderske dokumentacije. (Ponuđač pisanu garanciju dostavio na 6 mjeseci).

Ponuda TP OMERBAŠIĆ d.o.o. Tešanj je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-3539-12/16 od 30.01.2017.godine), da se u predmetu javne nabavke roba "Opreme za radio vezu i nabavka i ugradnja opreme za prepravku vatrogasne cisterne", Lot-2 "Nabavka opreme za radio vezu", donese Odluka o izboru najpovoljnijeg ponuđača i da se kao najbolje ocijenjene prihvatljiva ponuda za robe u predmetu nabavke, određuju ponude ponuđača SHOT d.o.o. Zenica, te da se sa istim zaključi ugovor u skladu sa ponudom navedenog ponuđača za robe predmetne nabavke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x 2,
2. Služba civilne zaštite,
3. Web stranica Općine Tešanj, elektronski,
4. Predmet.

Huskić



[Handwritten signature]
OPĆINSKI NAČELNIK
Mr.sci. Suad Huskić